

## Ali mini äntli

Ali mini Äntli schwümme ufem See  
Schwümme uf em See  
D Köpfli händs is Wasser  
D Schwänzli händs id Höö

Hei si grosse Hunger,  
schwümme si a ds Land,  
schwümme si a ds Land,  
picke feissli Würmli u Schnäggli us äm Sand

Göh si de ga Loufe,  
ohni Strümpf u Schueh,  
ohni Strümpf u Schueh,  
loufe über d'Wiese,  
schnädere derzue

Göh si über ds Stägli,  
wei si de zur Rueh,  
wei si de zur Rueh,  
göh i ds Äntehüusli,  
wär tuet ds Türli zue!



## Baduseli Badäseli

Baduseli badäseli  
jetzt chum i mit em Bäseli  
und ruesse s Chämi uus.  
dänn gump i über Stock und Stei  
und jage alli Chinde hei.  
baduseli badäseli  
si lärmel s isch en Gruus

## Chämifäger, schwarze Ma

Chämifäger schwarze Ma  
het es ruessigs Hemmli a.  
nimmt de bäse und der Lumpe,  
macht die böse Buebe z gumpel.

Chämifäger...  
will er s Chämi uuf und abe,  
muess dä tuusigs Ruess abschabe.

Chämifäger...  
Alli Wöschere vo Paris  
Chönneds nümme wäsche wyß.



## Chumm mir wie ga Chrieseli gwünne

Chumm mir wie ga Chrieseli gwünne  
Weiss ame n Ort gar grüseli vil  
Roti schwarzi gibeli gälbi  
Zwöi bis drü an einem stiil  
Valeri valera valeri valera  
Zwöi bis drü an einem stiil



## Det äne am bergli

Det äne am Bergli det stoht e wissi Geiss  
I ha si wele mälche do haut si mir eis  
Hole duli bisch e fuli hole duli duli duli duli  
Hole duli bisch e fuli hole duli duli duli du  
Sie hät mer eis g'haue, das tuet mer so weh.  
Jetzt mälch i miner Läbtig kei wiessi Geiß meh'  
Hole duli ...  
Jetzt ga ni is städtli und chauf mer e Geis  
ich chauf mer e bruni die haut mer e keis  
Jetzt mälch i miner Läbtig kei wiessi Geiß meh'  
Hole duli ...

Det äne am Bergli det stoht en Traktor  
I hane wele öle de fahrt er defo  
Hole duli ...  
Vo Basel uf Züri, det häts es Tunell,  
wänn mer ine chunt wirts dunkel,  
wänn mer use chunt wirts hell.  
Hole duli ...  
Min Vater und d'Muetter sind sparsami Lüt.  
Sie flicket mer d'Hose mit Härdöpfelhüt.  
Hole duli ...  
Det äne am Bergli det stoht en Soldat  
Er puzt sini Stifel mit Gurkesalat  
Hole duli ...

## Es schneielet, es beielet

*Es schneielet, es beielet,  
es got en chüele Wind.  
D Meitli leged d Händsche a  
und Buebe laufed gschwind.  
Es schneielet, ...  
Es früred alli Vögeli  
und alli arme C0hind.  
Es schneielet, ...  
Und hesch es Stückli Brot im Sack  
so gibts em ärmste Chind.*



## Es wott es Fraueli z'Märit go

Es wott es Fraueli z'Märit go, z'Märit go,  
wöt de Maa diheime lo,  
tra la la la la tra la la la la,  
wöt de Maa diheime lo, tra la la la la la la.

## Hans du muesch diheime blibe

Hans du muesch diheime blibe,  
muesch de Hüener d Eier griffe.  
Im Ofe sind sechs grossi Chueche,  
muesch mer au zu dene luege!  
Am Obig wo isch sächsi gsi,  
sind die Chueche g'fresse gsi.  
Und wo das Fraueli hei isch cho,  
Ma wo häsch mer d Chüeche wo?  
Und händ die Hüener alli gleit?  
De Güggel hät sis Ei verleit.  
Do nimmt si de Hans bim Bärtli,  
und rüert en use is Gärtli.  
Dä Hans, dä springt zum Nachbarhus,  
dä Chasper luegt zum Fänster us.  
Chasper, mir müend zäme ha.  
D Frau wöt mer de Grind verschlo!  
Hans du muesch di nöd beklage,  
mini hät mer en scho verschlage.  
Mir Manne müesse zämosto,  
und de Fraue de Grind verschlo.  
Die Fraue sind es Lumpepack,  
sind us Stroh und Hodle gmacht.  
Mir Manne sind ganz ander Lüüt,  
sufe vil und schaffed nüt!

## Eusi zwei Chätzli

Ja, eusi zwei Chätzli  
sind tuusigi Frätzli,  
händ schneewyssi Tätzli  
und Chrälleli draa.


Händ spitzigi Öhrli  
und sidigi Höörli  
und s'gaat e käs Jöhrl  
so fangeds scho aa:



Si schliched ums Hüüsli  
und packed die Müüsli  
und plaged si grüüsi,  
wär gsächt näs scho aa?

## Häsl i dä Grube

Häsl i dä Grube  
sitzt und schlaft,  
sitzt und schlaft.  
Arms Häsl, bisch chrank,  
dass du nümme hüpf chasch?  
Häsl, hüpf! Häsl, hüpf



## Heile Heile Säge

Heile heile Säge,  
Drei Tag Räge  
Drei Tag Sunneschy  
s wird bald wider besser sy  
2. Mal: S teut em Chindli nümme weh

## I hane chlyses Schiffli

I han e chlyses Schiffli  
I gahne mit zum See  
Und gib em dänn es Püffli  
Dänn fahrts devo juhee



Im Schiffli stah en Fahne  
Die fladeret hin und her  
Und tuet mit ganz dra mahne  
Wie wänns es Dampfschiff wär

## Im Muetters Stübeli

Im Muetters Stübeli da giit de mm mm mm  
Im Muetters Stübeli da giit de Wind.

Muess fasch erfriere vo luter mm mm mm  
Muess fasch erfriere vo luter Wind.

I ga durch's Stätteli uf u du durch's mm mm mm  
I ga druch's Stätteli uf u du durch's Dorf.

I nümme de Bättusack u du de mm mm mm  
I nümme de Bättusack u de de Chorb .

I säg "Vergält is Gott" u du sisch mm mm mm  
I säg "Vergält is Gott" u du sisch Dank.

## I ghöre äs Glöggli

I ghöre äs Glöggli  
das lütet so nätt.  
Dr Tag isch vergange  
itz gang i is Bett.  
Im Bett tuen i bäte  
und schlafe de i.  
Dr lieb Gott im Himmel  
wird ou bi mir si!



Und alli wo müed si  
händ Friede und Rueh.  
Dr lieb Gott im Himmel  
laht Böses nid zueh.  
I gohne is Bettli,  
eu allne Guet Nacht  
Dr lieb Gott im Himmel  
und s'Aengeli wacht

De Tag isch vergange,  
es tunklet ja scho,  
Du lieb Gott im Himmel,  
ich bi ja so froh.  
Ich wott nöd elei si,  
doch du bisch bi mir,  
und Mueter und Vater,  
die wached mit Dir.

## Jungi Schwän und Äntli



Jungi Schwän und Äntli schwümed uf em See,  
d Chöpfli tüends is Wasser i has sälber gseh.  
Händs en grosse Hunger, schwümeds dänn as  
Land, ässed gueti plettli, Würmli usem Sand.  
Gönd dänn go spaziere ohni Strümpf + Schue,  
uf em grüne Wisli schnäderets imerzue.  
Chömeds dänn zum Stägi möchtets gern i d  
rue, gönd is Äntehüüsl, wer machts Tüerli zue?

## Der Joggeli

Joggeli wotts ch go riite? Jo, jo, jo!  
Heschs guet uf beidne Siite? Jo, jo, jo!  
Hesch em Rössli Hafer gäh? Jo, jo, jo!  
Hesch em Rössli Wasser gäh? Nei, nei, nei!  
Denn riite mer zum Brunne  
und riited drü mal umme  
s'Rössli macht tripptrapp  
und rüert de Joggeli ab!

## 2. Version

Joggeli chasch au riite? - jo jo jo  
Hesch Bei uf allne beide Site? - jo jo jo  
Hesch im Rössli z'Esse gäh? jo jo jo  
Hesch im Rössli z'Trinke gäh? nei nei nei ned?  
De riite mer zum Brunne  
rite drümal umme  
macht das Rössli trippel trap  
Gheit de Joggeli hindenab.

## Mys Chindli chumm weidli

Mis Chindli chumm weidli  
Chumm mit mer in Wald  
Mer sueched dänn Beeri  
Si ryfed scho bald  
Mer bruched kes Chrättli kes Chörbli  
Kes Gschirr  
Mer steckeds is Müüli du mir und ich dir

## Oh du goldigs sünneli

Oh, du goldigs Sünneli,  
tuen doch wieder schiine!  
Bitti bliib de ganz Tag da,  
das mer chönd veruse gaa.  
Oh, du goldigs Sünneli,  
tuen doch wieder schiine!



## Rägetröpfli

Räge-, Rägetröpfli –  
Es rägnet uf mis Chöpfli  
Es rägnet us em Wolkedach  
Und alli Bluemli werded nass  
Und alli Steinli uf dä Gass - Räge-, Rägetröpfli



## Ringe ringe Reie

Ringe ringe reie, d Meiteli gönd i d Meie  
D Buebe gönd i d Haselnuss und mached ali  
husch husch husch  
Ringe ringe reie, d Chinder gönd i d Meie  
Si tanze ume Holderstock und mached ali Bodehock

## Roti Rösli im Garte

Roti Rösli im Garte,  
Maiariesli im Wald,  
wenn de Wind chunt go blose,  
denn verwelked sie bald.



## Ryte ryte Rössli

Ryte ryte Rössli  
Z Bade steit es Schlössli  
Z Basel steit es guldigs Huus  
Luege drei Mareie druus  
Di erschti die spinnt Syde  
Die zwöiti schnätzlet Chryde  
Die dritti die spinnt Haberstrou  
B hütet mer Gott mys Schatzeli ou  
oder:  
Ryte ryte Rössli  
z Thun stoht es Schlössli  
z Burgdorf steit es Summerhus  
es luegid drei Jumpfere drus:  
die erschti spinnet Siide  
die zwöite schnätzlet Chriide  
die dritti lacht zum Fänschter us  
und lacht die junge Herre us!!!



## Schiffli ufem Hallwilersee

Schiffli ufem Hallwilersee,  
hesch du fuer mich es kes Plaetzli meh?  
Chumm as Land, ich stiege n' i  
Moecht gern im Schiffli si.

## Schiffli fahre uf am See

Schiffli fahrä uf am See  
Cha mer schöni Sachä gseh  
Chund dä Wind und chunt dä Sturm  
Wirft das schönä Schiffli um



## Schneeglöggli lüüt

Schneeglöggli lüüt de Früelig chont no hüt.  
Er het es Chränzli uf em Chöpfli  
I de hand es guldigs Stöckli  
Schneeglöggli lüüt de Früelig chont no hüt

## Schlaf Kindlein schlaf

Schlaf Kindlein schlaf  
Der Vater hütet d Schaf  
Die Mutter schüttelts Bäumelein  
Da fällt herab ein Träumelein  
Schlaf Kindlein schlaf.



Schlaf Kindlein schlaf  
Am Himmel ziehn die Schaf  
Die Sternelein die Lämmerlein  
Das müssen Spielgesellen sein  
Schlaf Kindlein schlaf.

Schlaf Kindlein schlaf  
So schenk ich dir ein Schaf  
Mit einer goldnen Schelle fein  
Das soll dein Spiegelgelle sein  
Schlaf kindlein schlaf.

## Schuehmächerli

Schuehmächerli, Schuehmächerli,  
was choschtet mini Schueh?  
Drü Bätzeli, drü Bätzeli,  
und d'Negeli dezue.  
Drü Bätzeli, drü Bätzeli,  
das isch mer wärl i z'tüür,  
da lauf-i lieber barfuess  
durs Wasser und durs Füür!



## S isch mer alles äis Ding

S isch mer alles äis Ding,  
ob i lach oder sing  
han es Härzeli wienes Vögeli ,  
darum liebeni so ring  
Und mys Härzli isch zue,  
s cha mer s niemert ufue,  
als es äinzigs schlaus Bürschтели (Mäiteli)  
het es Schlüsseli derzue.  
Und du bruchsch mir nit z'trutze,  
jo sosch trutze-n i dir au;  
so-n-es Bürschтели (Mäiteli) wie du äis bisch,  
so-n-es Mäiteli (Bürschтели) bin-i-au.  
Drum isch mer alles äis Ding,  
ob i lach oder sing  
han es Härzeli wienes Vögeli ,  
darum liebeni so ring